

白氏長慶集卷之十一

初入峽有感



上有萬仞山下有千丈水蒼上兩崖間開
 狹容一葦瞿塘呀直瀉灑瀨屹中時未夜
 黑岩昏无風白浪起大石如刀劍小石如
 牙齒一昏无風白浪起大石如刀劍小石如
 怒歎危檝師趾一跌無完舟吾生繫於此
 常聞仗忠信蠻貊可行矣自古漂沈人豈
 盡非君子况吾時與命蹇舛不足恃常恐
 不才身復作無名死

過昭君村

靈珠產無種彩雲出無根亦如彼姝子生
 此遐陋村至麗物難掩遽選入君門獨美
 衆所嫉終棄於塞垣唯此希代色豈無一
 顧恩事排勢須去不得由至尊白黑既可
 變丹青何足論竟埋岱北骨不返巴東塊

慘澹晚雲水依稀舊鄉園妍姿化已久但有村名存村中有遺老指點爲我言不取往者戒恐貽來者寃至今村女面燒灼成癍痕

自江州至忠州

前在潯陽日已歎實朋寡忽上抱憂懷出門无處寫今來轉深僻窮峽巔山下五月断行舟灩堆正如馬巴人類猿猱矍鑠滿山野敢望見交親喜逢似人者

君

山東邑居窄峽牽氣候偏林巒少平地霧雨多陰天隱上煮鹽火漠上燒畚煙賴此東樓夕風月時翛然憑軒望所思目断心涓上背春有去鴈上水無來船我懷巴東守本是關西賢平生已不淺流落重相憐

水梗漂萬里籠禽囚五年新恩同雨露遠郡鄰山川書信雖往復封疆徒接連其如美人面欲見杳無緣

郡中

鄉路音信断山城日月遲欲知州近遠階前摘荔枝

西樓夜

悄上復悄上城隅隱林杪山郭燈火希峽天星漢少年光東流水生計南枝鳥月没江沉上西樓殊未曉

東樓曉

脉上復脉上東樓無宿客城暗雲霧多峽深田地窄宵燈尚留焰晨禽初展翮欲知山高底不見東方白

寄王質夫

憶始識君時愛君世緣薄我亦吏王畿不

爲名利著春尋仙遊洞秋上雲居閣樓觀
水潺湲龍潭花漠漠吟詩石上坐引酒泉
邊酌因話出處心期老岩壑忽從風雨
別遂被簪纓縛君作出山雲我爲入籠鶴
籠深鶴殘頽山遠雲飄泊去處雖不同
負平生約今來各何在老去隨所託我守
巴南城君佐征西幕年顏漸衰颯生計仍
蕭索方含去國愁且羨從軍樂舊遊疑是
夢往事思如昨相憶春又深故山花正落
南賓郡齋即事寄揚萬州

山上巴子城山下巴江水中有窮獨人強
名爲刺史時上竊自西刺史豈如是倉粟
餒家人黃縑裏妻子莓苔翳冠帶霧雨霾
樓雉衙鼓暮復朝郡齋卧還起迴頭望南
浦亦在烟波裏而我復何嗟夫君猶滯此
招蕭處士

峽內豈無人所逢非所思門前亦有客相
對不相知仰望但雲樹俯顧惟妻兒寢食
起居外端然無所爲東郊蕭處士聊可與
開眉能飲滿杯酒善吟長句詩庭前吏散
後江畔路乾時請君携竹杖一赴郡齋期
庭槐

南方饒竹樹唯有青槐稀十種七八死縱
活亦支離何此郡庭下一株獨華滋蒙上
碧煙葉媚上黃花枝我家渭水上此樹蔭
前墀忽向天涯見憶在故園時人生有情
感遇物牽所思樹木猶復爾况見舊親知
送客迴晚興

城上雲霧開沙頭風浪定參差亂山出澹
汀平江淨行客舟已遠居人酒初醒嫋
秋竹梢巴蟬聲似磬
東樓竹

蕭灑東樓透樓多脩竹森然一萬竿白粉封青玉卷簾睡初覺欹枕看未足影轉色入樓床席生浮綠空城絕賓客向夕彌幽獨樓上夜不歸此君留我宿

黍香酒初熟菊暖花未開閑聽竹枝曲淺酌茱萸杯去年重陽日漂泊湓城隈今歲重陽日蕭條巴子墓旅鬢尋已白鄉書久不來臨觴一搔首座客亦徘徊

東城尋春

老色日上面歡情日去心今既不如昔後當不如今上猶未甚衰每事力可任花時仍愛出酒後尚能吟但恐如此興亦隨日銷沈東城春欲老勉強一來尋

江花已萎絕江草已銷歇遠客何處歸孤舟今日發杜鵑聲似哭湘竹斑如血共是多感人仍為此中別

春令有常候清明桐始發何此巴峽中桐花開十月豈伊物理變信是土宜別地氣反寒暄天時倒生殺草木堅強物所稟固難奪風候一條差榮枯逐乖刺况吾比人性不耐南方熱強羸壽夭間安得依時節

桐花

遠郡雖編陋時祀奉朝經夙興祭風伯天氣曉冥上導騎與從吏引我出東垌水霧重如雨山火高於星忽憶早朝日與君趨紫庭步登龍尾道却望終南青一別身向老所思心未寧至今想在耳玉音尚玲

早祭風伯因懷李十一舍人

花下對酒二首

藹上工氣春南賓閨五月梅櫻與桃杏次

第城上發紅房爛簇火素豔紛圍雪香惜
委風飄愁牽壓枝折樓中老太守頭上新
白髮冷澹病心惰暄和好時節故園音信
斷遠郡親賓絕欲問花前樽依然為誰設

又

引手攀紅櫻紅櫻落似霰仰首看白日白
日走如箭年芳與時景頃刻猶衰變況是
血肉身安能長強健人心苦迷執慕貴憂
貧賤愁色常在眉歡容不上面況吾頭半
白把鏡非不見何必花下盃更待他人勸

不二門

兩眼日將闇四支漸衰瘦束帶賸昔圍穿
衣妨寬袖流年侶江水奔注無昏晝志氣
與形骸安得長依舊亦曾登玉陛舉措多
紕繆至今金闕籍名姓獨遺漏亦曾燒大
藥消息乖火候至今殘丹砂燒乾不成就

行藏事兩失憂惱心交鬪化作顛顛翁拋
身在荒陋坐看老病逼須待醫王救唯有
不二門其間無夭壽
我身

我身何所似七彼孤生蓬秋霜翦根斷浩
浩隨長風昔遊秦雍間今落巴蠻中昔為
意氣郎今作寂寥翁外貌雖寂寞中懷頗
冲融賦命有厚薄委心任窮通七當為大
鵬舉翅摩蒼穹窮則為鷓鷯一枝足自容
苟知此道者身窮心不窮

哭王質夫

仙遊寺前別七來十年餘生別猶快七死
別復何如客從梓潼來道君死不虛驚疑
心未信欲哭復踟躕踟躕寢門側聲發涕
亦俱衣上今日淚篋中前月書憐君古人
風重有君子儒篇詠陶謝輩風袵嵇阮徒

出身一呼蹇逆生世仍須臾誠知天至高安
得不一呼江南有毒蟒江北有妖狐皆亨
千年壽多於王質夫不知彼何德不識此
何辜

東坡種花二首

持錢買花樹城東坡上栽但構有花者不
限桃杏梅百果參雜種千枝次第開天時
有早晚地力无高低紅者霞豔上白者雪
皚上遊蜂逐不去好鳥亦栖來前有長流
水下有小平臺時拂臺上石一舉風前杯
花枝蔭我頭花藥落我懷獨酌復獨詠不
覺月平西巴俗不愛花竟春无一人來唯此
醉太守盡日不能迴
東坡春向暮樹木今何如漠上花落盡翳
翳葉生初每日領僮僕荷鋤仍決渠剗土
壅其本引泉溉其枯小樹伍數尺大樹長

丈餘封植來幾時高下齊扶疎養樹既如
此養民亦何殊將欲茂枝葉必先救根株
云何救根株勸農均賦租云何茂枝葉省
事寬刑書移此為郡政庶幾毗俗蘇

登城東古臺

迢上東郊上有土青崔嵬不知何代物疑
是巴王墓巴歌父无聲巴宮没黃埃靡上
春草舍牛羊綠四隈我來一登眺目極心
悠哉始見江山勢峯疊水環迴憑高視聽
曠向遠曾衿開唯有故園念時從東北來

哭諸故人因寄元八

昨日哭寢門今日哭寢門借問所哭誰無
非故交親偉卿既長往質夫亦幽淪屈指
數年世收涕自思身彼皆少於我先為泉
下人我今頭半白焉得身久存好在元郎
中相識二十春昔見君生子今聞君抱孫

存者盡老大逝者已成塵早晚升平宅開
眉一見君

郡中春燕因贈諸客

僕本儒家子待詔金馬門塵忝親近地孤
負聖明恩一旦奉優詔萬里牧遠人可憐
島夷師自稱爲使君身騎牂牁馬口食塗
江鱗閣淡緋衫故爛斑白髮新是時歲二
月玉曆布春分頒條示皇澤命宴及良辰
冉上趨府吏蚩上聚州民有如蟄蟲鳥亦
應天地春薰草席鋪座藤枝酒注樽中庭
無平地高下隨所陳鼓蠻聲坎上巴女舞
蹲上使君居上頭掩口語衆實勿笑風俗
陋勿欺官府貧蜂巢與蟻穴隨分有君臣

開元寺東池早春

池水暖温暎水清波澹灩蒨上青泥中新
蒲葉如劍梅房小白裏柳彩輕黃染順氣

草薰上適情鷗汎上舊遊成夢寐往事隨
陽焱芳物感幽懷一動平生念

東間種柳

野性愛栽植上柳水中坻乘春持斧斫栽
截而樹之長短旣不一高下隨所宜倚岸
埋大榦臨流插小枝松栢不可待梗楠固
難移不如種此樹此樹易榮滋死根亦可
活成陰况非遲三年未離郡可以見依上
種罷水邊戀仰頭閑自思富貴本非望功
名須待時不種東溪柳端坐欲向爲

卧小齋

朝起視事畢晏坐飽食終散步長廊下退
卧小齋中拙政自多暇幽情誰與同孰云
二千石心如田野翁

步東坡

朝上東坡步夕上東坡步東坡何所愛上

此新尺樹種植當歲初滋榮及春暮信意
取次栽死行亦無數綠陰斜景轉芳氣微
風度新葉鳥下來菱花蝶飛去閑攜斑竹
杖徐曳黃麻履欲識性來頻青蕪成白路

徵秋稅畢題郡南亭

高城直下視蠹^七見巴蠻安可施政教尚
不通語言且喜賦斂畢幸聞閭井安豈伊
循良化賴此豐登年按牘既簡少池館亦
清閑秋雨簷果落夕鍾林鳥還南亭日蕭
灑偃卧恣踈頑

蚊蟆

巴徼炎毒早三月蚊蟆生啞膚拂不去遶
耳薨^七聲斯物頗微細中人初甚輕如有
膚受^七諸^七久則瘡^七痛成^七痛成^七無柰何所要防
其萌^七麼^七蟲^七何足道^七潜喻^七傲^七人情
登龍昌上寺望江南山懷錢舍人

騎馬出西郭悠^七欲何之獨上高寺去一
與白雲期虛檻晚蕭灑前山碧參差忽似
青龍閣同望玉峯時因詠松雪句求懷鸞
鶴姿六年不相見况乃隔榮衰

郊下

西日照高樹^七頭子規鳴東風吹野水^七
畔江離生盡日看山立有時尋澗行兀^七
長如此何許似專城

遣懷

樂往必悲生泰來猶否極誰言此數然吾
道何終塞嘗求詹戶卜拂龜竟默^七亦會
仰問天^七但蒼^七色自茲唯委命名利心
雙息近^七日轉安閑鄉園亦休憶迴看世間
苦^七在求不得我今無所求庶離憂悲域

歲晚

霜降水返壑風落木歸山卉^七歲將晏物

皆復不源何此南遷客五年獨未還命述
分已定日久心彌安亦嘗心與口靜念私
自言去國固非樂歸鄉未必歡何須自生
苦捨易求其難

負冬日

果七冬日出照我屋南隅負暄閉目坐和
氣生肌膚初似飲醉醪又如螫者蘇外融
百骸暢中適一念無曠然忘所在心與虛
空俱

委順

山城雖荒蕪竹樹有嘉色郡俸誠不多亦
足充衣食外累由心起心寧累自息尚欲
忘家鄉誰能筭官職宜懷齊遠近委順隨
南北歸去誠可憐天涯任亦得

衆心愛金玉衆口貪酒肉何此溪上翁飲

宿溪翁

瓢亦自足溪南刈薪草溪北修牆屋歲種
一頃田春驅兩黃犢於中甚安適此外無
營欲溪畔偶相逢庵中遂同宿辭翁向朝
市問我何官祿虛言笑殺翁郎官應列宿
重過壽泉憶與楊九別時因題店

壁

商州南十里有水名壽泉涌出石崖下流
經山店前憶昔相送日我去君言還寒波
與老淚此地共潺湲一去歷萬里再來經
六年形容已變改處所猶依然他日君過
此殷勤吟此篇

西掖早秋直夜書意

涼風起禁掖新月生宮沼夜半秋暗來萬
年枝嫋七炎涼迤時節鍾鼓交昏曉偶聖
惜年衰報恩愁力小素食無補益朱綬虛
纏繞冠蓋栖野雲稻梁養山鳥量力私自

省所得已非少五品不為賤五十不為天
若死知足心貪求何日了

庭松

堂下何所有十松當我階亂立無行次高
下亦不齊高者三丈長以下者一尺低有如
野生物不知何人栽接以青瓦屋承之白
沙臺朝昏有風月燥濕先塵泥踈韻秋城
上涼陰夏凄上春深微雨夕滿葉珠蓑上
歲暮大雪天壓枝玉皚上四時各有趣萬
木非其儕去年買此宅多為人所哈一家
二十口移轉就松來移來有何得但得煩
襟開即此是益友豈必交賢才顧我猶俗
士冠帶走塵埃未稱為松主時上一開懷

竹窓

嘗愛朝川寺竹窓東北廊一別十餘載見
竹未曾忘今春二月初卜居在新昌未暇

作廐庫且先營一堂開窓不糊紙種竹不
依行意取北簷下窓與竹相當遶屋聳浙

上逼人色蒼上煙通香藹氣月透玲瓏光
是時三伏天上氣熱如湯獨此竹窓下朝

迴解衣裳輕紗一幅巾小簾六尺床無客
盡日靜有風終夜涼乃知前古人言事頗

諳詳清風北窓卧可以傲羲皇
同韓侍郎遊鄭家池吟詩小飲

野艇容三人晚池流浼上悠然倚掉坐水
思如江海宿雨洗沙塵晴風蕩煙靄殘陽

上竹樹枝葉生光彩我本偶然來景物如
相待白鷗驚不起綠芡行堪採齒髮雖已

衰性靈未云改逢詩遇杯酒尚有心情在
晚歸有感

朝弔李家孤暮問崔家疾迴馬獨歸來低
眉心鬱上平生所善者多不過六七如向

十年零落三無一劉曾夢中見元向花
前失漸老與誰遊春城好風日

元和二年三年四年予每歲有曲

江感秋詩凡三篇編在第七集卷

是時予為左拾遺翰林學士無何

客郎江州司馬忠州刺史前年遷主

人今遊曲江又值秋曰風物不改

人事屢變况予中否後遇昔壯今

衰慨然感懷復有此作噫人生多

故不知明年秋又何許也時二年

元和二年七月十日云耳

年五十一中間十四年六年居遣黜窮通

與榮悴委運隨外物遂師廬山遠重吊湘

江屈夜聽竹枝愁秋看艷堆沒近辭巴郡

印又秉綸闈筆晚遇何足言白髮映朱絨

銷沉昔意氣改換舊容質獨有曲江秋風

烟如往日
踈蕪南岸草蕭颯西風樹秋到來幾時蟬

聲又無數莎平綠草合蓮落青房露今日
臨望時往年感秋處池中水依舊城上山
如故獨我髮間毛昔黑今垂素榮名與壯
齒相避如朝暮時命始欲來年顏已先去
當春不歡樂臨老徒驚悞故作詠懷詩題
於曲江路
翫松竹 二首

龍蛇隱大澤麋鹿遊豐草栖鳳安於梧潛

魚樂於藻吾亦愛吾廬仁中樂吾道前松

後脩竹偃卧可終老各附其所安不知他
物好

坐愛前簷前卧愛北窓比窓竹多好風簷
松有嘉色幽懷一以合俗念隨綠息在爾
雖无情於予即有得乃知性相近不必動
與植

衰病無趣因吟所懷

朝食多不飽夜卧常少睡自覺寢食間都
無少年味平生好詩酒今亦將捨棄酒唯
下藥飲無復會歡醉詩多聽人吟自不題
一字病姿引衰相日夜相繼至况當尚少
朝彌慙居近侍終當求一郡聚少漁樵費
合口便歸山不問人間事

逍遙詠

亦莫戀此身亦莫厭此身此身何足戀萬
幼煩惱恨此身何足厭一聚虛空塵無戀
亦無厭始是逍遙人
白氏長慶集卷之十一

白氏長慶集卷之十二

短詞行

曠上太陽如火色上行千里下一刻出為
白晝入為夜圓轉如珠住不得住不得可
柰何為君舉酒詞短詞上聲苦詞亦苦四
座少年君聽取今夕未竟明夕催秋風纒
性春風迴人無根蒂時不駐朱顏白首相
隳積勸君且強笑一面勸君復強飲一盃
人生不得長歡樂年必須更老到來
生離別

生離別

食葉不易食梅難葉能苦兮梅能酸禾如
生別之為難苦在心兮酸在肝晨雞再鳴
殘月沒征馬連嘶行人出迴看骨肉笑一
聲梅酸藥苦甘如蜜黃河水白黃雲秋行
人河邊相對愁天寒野曠何處宿棠梨葉
戰風邊上生離別憂從中來無斷

絕夏極心勞血氣衰未年三十生白髮

浩歌行

天長地久無終畢昨夜今朝又明日
髮髮蒼浪牙齒疎不覺身年四十七
前去五十有幾年把鏡照面心茫然
既死長繩繫白日又無大藥駐朱顏
朱顏日漸不如故青史功名在何處
欲留年少待富貴富貴不來年
少去何處復去兮如長河東流赴海
無迴波賢愚貴賤同歸盡北邙塚墓
高嵯峨古來如此非獨我未死有酒
且高歌顏回短命伯夷餓我今所得
亦已多功名富貴須待命七若不來
知柰何

王夫子送君為一尉東南三千五百里
道途雖遠位雖卑一俸猶堪活妻子
男兒口古來古人書來從事近將狗
祿給

一家遠則行道佐時理行道佐時須待命
委身下位無為恥命苟未來且求食官無
高卑及遠邇男兒上既未能濟天下又
不至飢寒死吾觀九品至一品其間氣味
都相似紫綬朱紱青布衫顏色不同而已
矣王夫子別有一事欲勸君遇酒逢春且
歡喜

江南遇天寶樂叟

白頭病叟泣且言祿山未亂入梨園能彈
琵琶和法曲多在華清隨至尊是時天下
太平久年十月坐朝元千官起居環珮
合萬國會同車馬奔金鈿照耀石甕寺蘭
麝薰煮溫湯源貴妃宛轉侍君側體弱不
勝珠翠繁冬雪飄上錦袍暖春風蕩漾霓
裳翻歡娛未足燕寇至弓勁馬肥胡語喧
幽土人遷避夷狄鼎湖龍去哭軒轅從此

漂淪至南土萬人死盡一樽酒魚久夫風江上
浪無限暮雨舟中酒一樽涸魚久夫風江上
勢枯草曾沾雨露恩我自秦來君莫問驪
山渭水如荒村新豐樹老籠明月長生殿
閭闔黃昏紅葉紛上蓋歎瓦綠苔重上封
壞垣唯有中官作宮使每年寒食一開門
黃昏慘上送張山人歸嵩陽
天微雪修行坊西鼓聲絕張生
馬瘦衣且單夜扣柴門與我別媿君冒寒
來別我為君沽酒張燈火酒酣火暖與君
言何事入關又出關荅云前年偶下山四
十餘月客長安長安古來名利地空手無
金行路難朝遊九城陌肥馬輕車欺殺客
暮宿五侯門殘茶冷酒愁殺人春明門上
前便是高山路幸有雲泉容此身明日辭
君且歸去

醉後走筆酬劉五主簿長句之贈
兼柬張大賈二十四先輩昆季

劉兄文高行孤立十五年前三名翕習是時
相遇在符離我年二十君三十得意忘年
心迹親寓居同縣日知聞衡門寂寞朝尋
我古寺蕭條暮訪君朝來暮去多携手窮
巷貧居何所有秋燈夜寫上詩春雪朝
傾暖寒酒上湖綠愛白鷗飛灘水清憐紅
鯉肥偶語閑攀芳樹立相扶醉踏落花歸
張賈弟兄同里巷乘閑數上來相訪雨天
連宿草堂中月夜徐行石橋上我年漸長
忽自驚鏡中冉上髭鬚生心畏後時同勵
志身牽前事各求名問我栖上何所適鄉
人薦為鹿鳴客二千里別謝交遊三十韻
詩慰行役出門可憐唯一身弊裘瘦馬入
咸秦上街鼓紅塵閣晚到長安無主人

二莫二張與余弟驅車麗迤來相繼操詞
握賦爲干戈鋒銳森然勝氣多齊入文場
同苦戰五人十載九登科二張得雋名居
甲美退爭雄重告捷棠棣輝榮並桂枝芝
蘭芬馥和荆葉唯有三沅犀屈未伸嗟中目
謂駭雞珍三年不鳴三必大豈獨駭雞當
駭人元和運啓千年聖司遇明時余最幸
始辭祕閣吏王畿遽列諫垣升禁闈蹇步
何堪鳴珮玉衰容不稱着朝衣閭闔晨開
朝百辟冕旒不動香烟碧步登龍尾上虛
空立去天顏无咫尺宮花似雪從乘輿禁
月如霜坐直廬身賤每驚隨內宴才微常
愧草天書晚松寒竹新昌第職居密近門
多閉日暮銀基下直迴故人到門上暫開
迴頭下馬一相顧塵土滿衣何處來斂手
炎涼叙未畢先說舊山今悔出岐陽旅宦

少歡娛江左羈游費時日贈我一篇行路
吟吟之句上披沙金歲月徒催白髮貌泥
塗不屈青雲心誰謂茫茫地意短才獲
用長才棄我隨鷓鴣入烟雲謬上丹墀爲
近臣君同鸞鳳栖荆棘猶著青袍作選人
惆悵知賢不能薦徒爲出入蓬萊殿月慙
諫紙二百張歲愧俸錢三十萬大底浮榮
何足道幾度相逢即身老且傾斗酒慰羈
愁重話符離問舊遊北巷鄰居幾家去東
林舊院何人住武里村花落復開流溝山
色應如故感此酬君千字詩醉中分手又
何之須知通塞尋常事莫嘆浮沉先後時
慷慨臨期重相勉殷勤別後加食飯君不
見買臣衣錦還故鄉五十身後榮未爲晚
和錢貞外荅盧貞外早春獨遊曲
江見寄長句

春來有各色閭融上先到詩情酒思中柳岸
霏微衰塵雨杏園淡蕩開花風聞君獨遊
心鬱上薄晚新晴騎馬出醉思詩侶有同
年春嘆翰林無暇日雲夫首唱寒玉音蔚
章繼和春搜吟此時我亦閉門坐一日風
流三處心

東墟晚歇 時退居渭村

涼風冷露蕭索天黃蒿紫菊荒涼田遠塚
秋花少顏色細虫小蝶飛翻上中有騰上
獨行者手拄漁竿不騎馬晚從南澗釣魚
回歌此墟中白楊下褐衣半故白頭新人
逢知我是何人誰言渭浦栖遲客曾作甘
泉侍從臣

客中月

客從江南來來時月上弦悠上行旅中三
見清光圓曉隨殘月行夕與新月宿誰謂

月無情千里遠相逐朝發渭水橋暮入長
安陌不知今夜月又作誰家客

挽歌詞

丹旌何飛揚素驂亦悲鳴晨光照閭巷輻
車儼欲行蕭條九月天哀挽出重城借問
送者誰妻子與弟兄蒼上上古原我上開
新塋含酸一慟哭異口同哀聲舊壠轉蕪
絕新墳日羅列春風草綠北邙山此地年
年生死別

長相思

九月西風興月月冷霜華凝思君秋夜長一
夜魂九升二月東風來草折花心開思君
春日遲一日腸九迴妾住洛橋北君住洛
橋南十五即相識今年二十三有如女蘿
草生在松之側蔓短枝苦高縈迴上不得
人言人有願願至天必成願作遠方獸步

步比有行願作深山木枝上連理生

山鷓鴣

山鷓鴣朝上暮上啼復啼啼待露白風凄
凄黃茅岡頭秋日晚苦竹嶺下寒月低
田有粟飢不啄石楠有枝何不栖迢上
緩復不急樓上舟中聲聞入夢鄉遷客展
轉卧抱兒寡婦彷徨立山鷓鴣爾本此鄉
鳥生不辭巢不別羣何苦聲上啼到曉啼
到曉唯能愁北人南人慣聞如不聞

放旅鴈

九江十年冬大雪江水生冰樹枝折百鳥
無食東西飛中有旅鴈聲最飢雪中啄草
冰上宿翅冷騰空飛動遲江童持網捕將
去手携入市生賣之我本北人今謫謫人
鳥雖殊同是客見此客鳥傷客人贖汝放
汝飛入雲鴈上汝飛向何處第一莫飛西

北去淮西有賊討未平百萬甲兵又屯聚
官軍賊軍相守老食盡兵窮將及汝健兒

飢餓射汝喫拔汝翅翎為箭羽

送春歸

送春歸三月盡日上暮時去年杏園花飛
御溝綠何處送春曲江曲今年杜鵑花落
子規啼送春何處西江西帝城送春猶快
快天涯送春能不加惆悵莫惆悵送春人
穴員無替五年罷應須準擬再送潯陽春
五年炎涼凡十變安知此身健不健好去
今年江上春明年未死還相見

山石榴寄元九

山石榴一名山躑躅一名杜鵑花杜鵑啼
時花撲上九江三月杜鵑來一聲催得一
枝開江城上佐閑無事山下斲得驪前栽
爛漫一欄十八樹根株有數花無數千房

萬葉一時新嫩紫殷紅鮮麴塵初墮痕衰損
燕脂臉剪刀裁破紅綃中謫仙初墮愁在
世姹女新嫁嬌泥春日射血珠將滴地風
翻火焰欲燒人閑折兩枝持在手細看不
似人間有花中此物似西施芙蓉芍藥皆
摸母竒芳絕艷別者誰通州遷客元拾遺
拾遺初照江陵去七時正夾路題詩報我
秦嶺愁殺君山石榴花紅夾路題詩報我
何所云苦色似石榴裙當時叢畔唯思
我今日欄前只憶君憶君不見坐銷落日
西風起花紛七

畫竹歌

并引

協律郎蕭悅善畫竹舉時無倫蕭
亦甚自秘重有終歲求其一竿一
枝而不得者知予天與好事忽寫
一十而五竿惠然見投予厚其意高

其藝無以答既作歌以報之凡一
百八十六字云

植物之中竹難寫古今雖畫死似若蕭郎
下筆獨逼真丹青以來唯一人畫竹身
肥臃腫蕭畫莖瘦節上竦人畫竹梢死羸
垂蕭畫枝活葉上動不根而生從意生不
筍而成由筆成野塘水邊碕岸側森上兩
叢十五莖嬋娟不失筠粉態蕭瀟盡得風
烟情舉頭忽看不知畫低耳靜聽疑有聲
西叢七莖勁而健省向天竺寺前石上見
東叢八莖疎且寒憶曾相妃廟裏雨中看
幽姿遠思少人別與君相顧空長歎蕭郎
蕭郎老可惜手顫眼昏頭雪色自言便是
絕筆時從今此竹猶難得

真娘墓

真娘墓虎丘道不識真娘鏡中面唯見真

娘墓頭草霜摧桃李風折蓮真娘死時猶
少年脂膚美手不牢固世間本物難留連
難留連易銷歇塞北花江南雪
前進士陳鴻撰

開元中泰階平四海无事玄宗在位歲久
倦於肝食宵衣政死大小始委於右丞相
深居遊宴以聲色自娛先是元獻皇后武
淑妃皆有寵相次即世宮中雖良家子千
數无可悅目者上意忽上不樂時每歲十
月駕幸華清宮內外命婦熠耀景從浴日
餘波賜以湯沐春風靈液澹蕩其間上心
油然若有顧遇左右前後粉色如土詔高
力士漸搜外宮得弘農楊玄琰女於壽邸
既笄矣鬢髮膩理繼穠中度舉止閑冶如
漢武帝李夫人別疏湯泉詔賜藻瑩既出
水體弱力微若不任羅綺光彩煥發轉動

照人上甚悅進見之日奏霓裳羽衣曲以
導定情之夕授金釵鈿合以固之又命戴
步搖垂金璫明年冊為貴妃半后服用繇
是冶其容敏其詞婉變萬態以中上意上
益嬖焉時省風九州泥金五岳驪山雪夜
上陽春朝與上行同室宴專席寢專房雖
有三夫人九嬪二十七世婦八十一御妻
暨後宮才人樂府妓女使天子無顧眄意
自是六宮無復進幸者非徒殊艷魁態致
是蓋才智明慧善巧便佞先意希旨有不
可形容者叔父昆弟皆列在清貫爵為通
侯姊妹封國夫人富埒王室車服邸第與
大長公主侔而恩澤勢力則又過之出入
禁門不問京師長吏為側目故當時謠詠
有云生女勿悲酸生兒勿喜歡又曰男不
封侯女作妃看女却為門上楣其人心羨

慕如此兄國忠盜丞相位愚弄國柄及安
祿山引兵向關以討楊氏為辭潼關不守
翠華南幸出咸陽道次馬嵬亭六軍徘徊
持戟不進從宮郎吏伏上馬前請誅錯以
謝天下國忠奉釐纓盤水死於道周左右
之意未快上問之當時敢言者請以貴妃
塞天下怒上知不免而不忍見其死反袂
掩面使牽之而去蒼黃展轉竟就絕於尺
組之下既而玄宗狩成都肅宗受禪靈武
明年大兇歸元大駕還都尊玄宗為太上
皇就養南宮遷於西內時移事去樂盡悲
來每至春之日冬之夜池蓮夏開宮槐秋
落梨園弟子玉琯發音聞霓裳羽衣一聲
則天顏不怡左右歎歎三載一意其念不
衰求之夢魂杳不能得適有道士自蜀來
知上皇心念楊妃如是自言有道士自蜀來

術玄宗大喜命致其神方士乃竭其術以
索之不至又能遊神馭氣出天界沒地府
以求之不見又旁求四虛上下東極天海
跨蓬壺見最高仙山上多樓闕西廂下有
洞戶東向闔其門署曰玉妃太真院方士
抽簪扣扉有雙童女出應問方士造次未
及言而雙鬟復入俄有碧衣侍女又至詰
其所從方士因稱唐天子使者且致其命
碧衣云玉妃方寢請少待之於時雲海沉
沉洞天日曉瓊戶重闔悄然無聲方士屏
息斂足拱手門下久之而碧衣延入且曰
玉妃出見一人冠金蓮披紫綃珮紅玉曳
鳳鳥左右侍者七八人揖方士問皇帝安
否次問天寶十四年以還事言訖憫默指
碧衣取金釵鈿合各拊其半授使者曰為
謝太上皇謹獻是物尋舊好也方士受辭

與信將行色有不足玉妃固微其意復前
 疏致詞請當時一辜不為他人聞者驗於
 太玉妃茫然退立若有所思徐而言曰昔
 也天寶十載侍輦避暑驪山宮秋七月牽牛
 織女相見之夕秦人風俗是夜張錦繡陳
 飲食樹瓜華焚香於庭號為乞巧宮掖間
 猶尚之夜殆半休侍衛於東西廂獨侍上
 上凭肩而立因仰天感牛女事密相誓心
 願世世為夫婦言畢執手各嗚咽此獨君
 王知之耳因自悲曰由此一念又不得居
 此復墮下界且結後緣或為天或為人決
 再相見好合如舊因言太上皇亦不父人
 間幸惟自安無自苦耳使者還奏太上皇
 皇心震悼曰上不豫其年夏四月南宮晏
 駕元和元年冬十二月太原白樂天自校

書郎尉於盤屋鴻與琅邪王質天家於是
 邑暇日相携遊仙遊寺話及此事相與感
 嘆質夫舉酒於樂天前曰夫希代之事非
 遇出世之才潤色之則與時消沒不聞於
 世樂天深於詩多於情者試為歌之如何
 樂天因為長恨歌意者不但感其事亦欲
 懲尤物室亂階垂於將來也歌既成使鴻
 傳焉世所不聞者予非開元遺民不得知
 世所知者有玄宗本紀在今但傳長恨云
 長恨歌

漢皇重色思傾國御宇多年求不得楊家
 有女初長成養在深閨人未識天生麗質
 難自棄一朝選在君王側迴眸一笑百媚
 生六宮粉黛無顏色春寒賜浴華清池温
 泉水滑洗凝脂侍兒扶起嬌無力始是新
 承恩澤時雲鬢花顏金步搖芙蓉帳暖度

春宵春宵苦短日高起從此君王不早朝
承歡侍宴無閑暇春從春遊夜專夜後宮
佳麗三千人三千寵愛在一身金屋粧成
嬌侍夜玉樓宴罷醉和春姊妹兄弟皆列
土可憐光彩生門戶遂令天下父母心不
重生男重生女驪宮高處入青雲仙樂風
飄颻不足漁陽鞞鼓動地來驚破霓裳羽衣曲
九重城闕烟塵生千乘萬騎西南行翠華
搖上前行復止西出都門百餘里六軍不發
天柰何宛轉娥眉馬前死花鈿委地無人
收翠翹金雀玉搔頭君王掩面救不得迴
看血淚相和流黃埃散漫風蕭索雲棧縈
迴登劍閣峩峩峩峩蜀山下少人行旌旗
無光日色薄蜀江水碧蜀山青聖主朝上
暮上情行宮見月傷心夜色夜雨聞鈴腸
斷聲天旋

日轉迴龍馭到此躊躇不能去馬嵬坡下
泥土中不見玉顏空死處君臣相顧盡沾
衣東望都門信馬歸歸來池苑皆依舊太
液芙蓉未央柳芙蓉如面柳如眉對此如
何不淚垂春風桃李花開夜秋雨梧桐葉
落時西宮南苑多秋草宮葉滿階紅不掃
梨園弟子白髮新椒房阿監青娥老夕殿
螢飛思悄然孤燈挑盡未成眠遲上鍾鼓
初長夜耿耿星河欲曙天鴛鴦瓦冷霜華
重翡翠衾寒誰與共悠悠生死別經年塊
魄不曾來入夢臨叩道士鴻都客能以精
誠致魂魄為感君王長轉思遂教方士殷
勤覓排空馭氣奔如電昇天入地求之遍
上窮碧落下黃泉兩處茫茫皆不見忽聞
海上有仙山在虛無縹緲間樓閣玲瓏
五雲起其中綽約多仙子中有一人字太

真雪膚花貌參差是金闕西廂叩玉局轉
 教小玉報雙成聞道漢家天子使九華帳
 裏夢魂驚攬衣推枕起徘徊珠箔銀屏暈
 迤開雲鬢半偏新睡教花冠不整下堂來
 風吹仙袂飄飄舉猶似霓裳羽衣舞玉容
 寂寞淚闌干梨花一枝春帶雨含情凝睇
 謝君王一別音容兩渺茫朝陽殿裏思愛
 絕蓬萊宮中日月長迴頭下望人寰處不
 見長安見塵霧唯將舊物表深情鈿合金
 釵寄將去鈿留一股合一扇釵擘黃金合
 分鈿但令心似金鈿堅天上人間會相見
 臨別殷勤重寄詞詞中有誓兩心知七月
 七日長生殿夜半無人私語時在天願作
 比翼鳥在地願為連理枝天長地久有時
 盡此恨綿綿無盡期
 婦人苦

蟬髮加意梳蛾眉用心掃幾度曉粧成君
 看不言好妾身重同穴君意輕偕老惆悵
 去年來心知未能道今朝一開口語少意
 何深願引他時事移君此日心人言夫婦
 親義合如一身及至死生際何曾苦樂均
 婦人一喪夫終身守孤子有如林中竹忽
 被風吹折一折不重生枯死猶抱節男兒
 若喪婦能不暫傷情應似門前柳逢春易
 發榮風吹一枝折還有一枝生為君委曲
 言願君再三聽須知婦人苦從此莫相輕
 花柳缺處長安道開艷歌一曲酒一盃美人
 勸我急行樂自古朱顏不再來君不見外
 州客長安道一迴來一迴老
 不得哭潛別離不得語暗相思兩心之外

無人知深籠夜鑲獨棲鳥利劍春斷連理
枝河水雖濁有清日鳥頭雖黑有白時唯
有潛離與暗別彼此甘心無後期
隔浦蓮

隔浦愛紅蓮昨日看猶在夜來風吹落只
得一迴采花開雖有明年期復愁明年還
暫時

寒食野望吟

丘墟郭門外寒食誰家哭風吹曠野紙錢
飛古墓纍纍上春草綠棠梨花映白陽樹盡
是死生離別處冥冥重泉哭不聞蕭瑟暮
雨人歸去

琵琶行并序

元和十年予左遷九江郡司馬明年秋送
客盈浦口聞舟船中夜彈琵琶者聽其音
錚錚然有京都聲問其人本長安倡女嘗

學琵琶於穆曹二善才年長色衰委身爲
賈人婦遂命酒使快彈數曲曲罷憫默自
叙少小時歡樂事今漂淪憔悴轉徙於江
湖間予出官二年恬然自安感斯人言是
夕始覺有迂謫意因爲長句歌以贈之凡
六百一十二言命曰琵琶行

尋陽江頭夜送客楓葉荻花秋索索主人
下馬客在船舉酒欲飲無管絃醉不成歡

慘將別時茫茫江浸月忽聞水上琵琶
聲主人忘歸客不發尋聲暗問彈者誰琵琶

燈重開宴千呼萬喚始出來猶把琵琶半
遮面轉軸撥絃三兩聲未成曲調先有情

絃上掩抑聲上思似訴平生不得志低眉
信手續上彈說盡心中無限事輕攏慢撚

抹復挑初爲霓裳後綠么大絃嘈上如急

雨。小絃切。如私語。嘈切。錯雜彈。大珠。小珠。落玉盤。間關鶯語。花底滑。幽咽泉流水。下灘。水泉冷。澁絃疑絕。疑絕不通聲。暫歇。別有幽愁暗恨生。此時無聲勝有聲。銀瓶乍破。水漿迸。鐵騎突出。刀鎗鳴。曲終收撥。當心劃。四絃一聲如裂帛。東舟西舫。悄無言。唯見江心秋月白。沉吟放撥。絃中。整頓衣裳起。斂容。自言本是京城女。家在蝦蟆陵下住。十三學得琵琶成。名屬教坊第一。部曲罷。曾教善才服。粧成每被秋娘妬。五陵年少。爭纏頭。一曲紅綃。不知數。鈿頭雲篋。擊節碎。血色羅裙。翻酒汗。今年歡笑復明年。秋月春花。等閑度。弟走從軍。阿姨死。暮去朝來。顏色故。門前冷落鞍馬稀。老大嫁作商人婦。商人重利輕別離。前月浮梁買茶去。去來江口守空船。遶船月

明江。水寒夜。深忽夢少年事。夢啼粧淚紅闌干。我聞琵琶已嘆息。又聞此語重唧唧。紅同是天涯淪落人。相逢何必曾相識。我從去年辭帝京。謫居卧病潯陽城。潯陽地卑無音樂。終歲不聞絲竹聲。住近湓江地。卑濕黃蘆苦。竹遶宅生。其間旦暮聞何物。杜鵑啼。哭猿哀。鳴春江。花朝秋月夜。往往取酒還獨傾。豈無山歌與村笛。謳啞嘲嘈難為聽。今夜聞君琵琶語。如聽仙樂耳暫明。莫辭更坐彈一曲。為君翻作琵琶行。感我此言良久。立却坐。促絃。轉急。凄。不似向前聲。滿座重聞皆掩泣。就中泣下誰最多。江州司馬青衫濕。

簡七吟

蘇家小女名簡七。芙蓉花腮柳葉眼。十把鏡學點粧。十二抽針能繡裳。十三行坐

事調品不肯迷頭白地藏玲瓏雲髻生菜
樣飄飄風袖薔薇香殊姿異態不可狀忽
忽轉動如有光二月繁霜殺桃李明年欲
嫁今年死文人阿母勿悲啼此女不是九
夫妻恐是天仙謫人世只合人間十三歲
大都好物不堅牢彩雲易散琉璃脆

花非花

花非花霧非霧夜半來天明去來如春夢
幾多時去似朝雲無覓處

醉後狂言酬贈蕭殷二協律

餘抗邑客多羈貧其間甚者蕭與殷天寒
身上猶衣葛日高餽中未拂塵江城山寺
十一月北風吹砂雪紛々賓客不見綈袍
惠黎庶未霑濡袴恩此時太守自慙愧重
衣複衾有餘温因命染人與針女先製兩
裘贈二君吳綿細軟桂布密柔如狐腋白

似雲勞將詩書投贈我如此小慰何足論
我有大裘君未見寬廣和暖如陽春此裘
非繒亦非纊裁以法度絮以仁刀尺鈍拙
製未出畢亦不獨裹一身若令在郡得五

考與君展覆杭州人

醉歌示妓人商玲瓏

罷胡琴掩秦瑟玲瓏再拜歌初畢誰道使
君不解歌聽唱黃雞與白日黃雞催曉丑
時鳴白日催年酉前沒腰間紅綬繫未穩
鏡裏朱顏看以失玲瓏玲瓏柰老何使君
歌了汝更歌

白氏長慶集卷之十一

白氏長慶集卷之十三 代書詩一百韻寄微之

憶在貞元歲初登典校司身各同日授心
 事一言知肺腑都无隔形骸兩不羈踈狂
 屬年少閑散為官卑分定金蘭契言通藥
 石規交賢方汲友直每德有月多同
 賞無益不共持秋風拂琴匣夜雪卷書帷
 高上慈恩塔幽尋皇子陂唐昌玉蕊會崇
 敬牡丹期笑勸迂辛酒閑吟短李詩儒風
 愛敦質佛理尚玄師度日曾無悶通宵靡
 不為雙聲聯律句入面對宮棋往江遊三
 省騰出九達寒銷直城路春到曲江池
 樹暖枝條弱山晴彩翠竒峯攢石綠點柳
 苑麴塵絲岸草烟鋪地園花雪壓枝早光
 紅照耀新溜碧透迤迤幄幕侵堤布盤筵占
 地施徵皆絕藝選妓悉名姬鉛黛凝春

徵伶

態金細耀水嬉風流誇墜髻時世闔啼眉
 密坐隨歡促華樽逐勝移香飄歌袂動翠
 落舞釵遺籌挿紅螺挽觥飛白玉卮打嫌
 調笑易飲訝卷波遲殘席誼譁散歸鞍酪
 訂騎酖顏烏帽側醉袖玉鞭垂紫陌傳鍾
 鼓紅塵塞路岐幾時曾暫別何處不相隨
 荏苒星霜換迴環節候推兩衙多請假三
 考欲成資運偶千年聖天成萬物宜皆當
 少壯日同惜盛明時光景嗟虛擲雲霄竊
 暗闕攻文朝屹上講學夜孜上策目穿如
 札毫鋒銳若錐繁張獲鳥網堅守釣魚坻
 並受夔龍薦齊陳晁董詞萬言經濟略三
 道太平基中第爭無敵專場戰不疲輔車
 排勝陣掎角牽降旗雙闕紛容衛千僚儼
 等衰恩隨紫泥降名向白麻披既在高科
 選還從好爵縻東垣君諫諍西邑我驅馳

再喜登烏府多慙侍赤墀官班分內外遊
 處遂參差每列鵷鸞序偏瞻獬豸姿簡威
 霜凜列衣彩繡歲蕤正色摧強禦剛腸嫉
 嗥呻常憎持祿位不擬保妻兒養勇期除
 惡輸忠在城私下鞫驚燕雀當道懾狐狸
 南國人死怨東臺吏不欺理寃多定國切
 諫甚辛毗造次行於危水閣多翻覆山藏路
 心共直言與行兼危水閣多翻覆山藏路
 險熾未為明主識已被倖臣疑木秀遭風
 折蘭芳遇霰萎千鈞勢易壓一柱力難支
 騰口因成瘠吹毛遂得疵憂來吟貝錦謫
 去詠江籬邂逅塵中遇殷勤馬上辭賈生
 離魏闕王粲向荆夷水過清源寺山經綺
 季祠心搖漢臯珮淚墮峴亭碑驛路綠雲
 際城樓枕水湄思鄉多繞澤望闕獨登陴
 林晚青蕭索江平綠渺瀰野秋鳴蟋蟀沙

冷聚鸕鷀官舍黃茅屋人家苦竹籬白醪
充夜酌紅粟備晨炊寡鶴推風翻鰓魚失
水鬢閣雛啼渴旦涼葉墜相思一點寒燈
滅三聲曉角吹藍衫經雨故驄馬卧霜羸
念酒誰濡沫嫌醒自歎醜耳垂无伯樂舌
在有張儀負氣衝星劍傾心向日葵金言
自銷鑠玉性肯磷緇伸屈須看蠖窮通莫
問龜定知身是患當用道爲醫想子今如
彼嗟予獨在斯無慘當歲杪有夢到天涯
坐阻連襟帶行乖接履綦潤銷衣上霧香
散室中芝念遠綠迂貶驚時爲別離素書
三往復明月七盈虧舊里非難到餘歡不
可追樹依興善老草傍靜安衰前事思如
昨中懷寫向誰北村尋古栢南宅訪辛夷
此日空搔首何人共解頤病多知夜永年
長覺秋悲不飲長如醉加食亦似飢狂吟

一千字因使寄微之

和鄭方及第後秋歸洛下閑居

勤苦成名後優遊得意間玉麟同匠琢桂
恨隔年攀山靜豹難隱谷幽鶯暫還微吟
詩引步淺酌酒開顏門迥暮臨水窓深朝
對山雲衢日相待莫誤許身閑

與諸同年賀座主侍郎新拜太常
同宴蕭尚書亭子

寵新卿典禮會盛客徵文不失遷鶯侶因
成賀燕羣池臺晴問雪冠蓋暮和雲共仰
會攀處年深桂尚薰

東都冬日會諸同年宴鄭家林亭

盛時陪上第暇日會羣賢桂折應同樹鶯
遷各異年賓堦紛組珮妓席儼花鈿促膝
齊貧賤羌肩次後先助歌林下水銷酒雪
中天他日升沉者無忘共此筵

元聖生乘運忠賢出應期遠將稽古力助
 立太平基土控吳兼越州連歙與池山河
 地襟帶軍鎮國藩維廉察安江甸澄清肅
 海夷股肱分外守耳目付中司楚老歌來
 暮秦人詠去思望如時雨至福似歲星移
 政靜民無訟刑行吏不欺撫謙驚主寵陰
 德畏人知白玉慙温色朱繩讓直辭行爲
 時領袖言作世著龜盛幕招賢士連營訓
 銳師光華下鷓鴣驚氣色動熊羆出入麾
 引登臨劍戟隨好風迎解榻美景待牽幃
 晴野霞飛綺春郊柳宛絲城烏驚畫角江
 鴈避紅旗籍草朱輪駐攀花紫綬垂山宜
 謝公展洲稱柳家詩酒氣和芳杜絃聲亂
 子規分毬齊馬首列舞匝蛾眉醉惜年光
 曉歡憐日影遲迴塘排玉棹歸路擁金羈

自顧龍鍾者嘗蒙喚咻之仰山塵不讓涉
 海水難爲身忝鄉人薦名因國士推提携
 增善價拂拭長妍姿射策端心術遷喬整
 羽儀幸穿楊遠葉謬折桂高枝佩德潛書
 帶銘仁闇勒肌筋躬趨館舍拜手挹階墀
 霄漢程雖在風塵迹尚卑弊衣羞布素敗
 屋厭茅茨養乏晨昏膳居无伏臘資盛時
 貧可恥壯歲病堪嗤擢第各方立耽書力
 未疲磨鉛重剗割策蹇再奔馳相馬須隣
 瘦呼鷹正及飢扶搖重即事會有荅恩時
 和渭北劉大夫借便秋遮虜寄朝
 中親友

巨鎮爲邦屏全材作國禎韜鈴漢上將文
 墨魯諸生豹虎關西卒金湯渭北城寵深
 初授榮威重正揚兵陣占山河市軍諳水
 草行夏苗侵虎落宵遁失蕃營雲隊攢戈

戰風行卷旆旌喉空烽火滅氣勝鼓聲鳴
胡馬辭南牧周師罷北征迴頭問天下何
處有攬槍

題故曹王宅

甲第何年置朱門此地開山當賓閣出溪
繞妓堂迴覆井桐新長蔭窓竹舊栽池荒
紅茵苔砌老綠莓苔捐館梁王去思人楚
客來西園飛蓋處依舊月徘徊

自江陵之徐州路上寄兄弟

岐路南將北離憂弟與兄關河千里別風
雪一身行夕宿勞鄉夢晨裝慘旅情家貧
憂後事日短念前程烟鴈翻寒渚霜鳥聚
古城誰憐陟岡者西楚望南荆

酬哥舒大見贈

去歲歡遊向處去曲江西岸杏園東花下
忘歸因美景樽前勸酒是春風各從微宦

風塵裏共度流年離別中今日相逢愁又
喜八人分散兩人同

遙夜涼風楚客悲清砧繁漏月高時秋霜
似髮年空長春草如袍位尚卑詞賦擅名

來已以烟霄得路去何遲漢廷卿相皆知
已不薦揚雄欲薦誰

感秋寄遠

惆悵時節晚兩情千里同離憂不散處庭
樹正秋風燕影動歸翼蕙香銷故叢佳期
與芳歲牢落兩成空

春題華陽觀

帝子吹簫逐鳳凰空留仙洞號華陽落花
何處堪惆悵頭白宮人掃影堂

秋雨贈元九

不堪紅葉青苔地又是涼風暮雨天莫恠

獨吟秋思苦比君校近二毛年

寵辱憂歡不到情任他朝市自營上獨尋
秋景城東去白鹿原頭信馬行

麗句勞相贈佳期恨有違早知留酒待悔
不赴花歸春盡綠醅老雨多紅萼稀今朝
如一醉猶得及芳菲

華陽觀裏仙桃發把酒看花心自知爭忍
開時不同醉明朝後日即空枝

莫悲金谷園中月莫嘆天津橋上春若學
多情尋往事人間何處不傷人

起徇名心君獨南遊去雲山蜀路深
寄陸補闕

忽憶前年科第後此時雞鶴暫同羣秋風
惆悵須吹散雞在庭中鶴在雲

人道秋中明月好欲邀同賞意如何華陽
洞裏秋壇上今夜清光此處多

春來无伴閑遊少行樂三分減二分何況
今朝杏園裏閑人逢盡不逢君

不見劉君來近遠門前兩度滿枝花朝來
惆悵宣平過柳巷當頭第一家

村南無限桃花發唯我多情獨自來日暮
風吹紅滿地無人解惜為誰開

慈恩春色今朝盡盡日徘徊倚寺門惆悵
春歸留不得紫藤花下漸黃昏
看暉家牡丹花戲李二十

香勝燒蘭紅勝霞城中最數令公家人
散後君須看歸到江南無此花

性情懶慢好相親門巷蕭條稱作鄰背燭
共憐深夜月踏花同惜少年春杏壇住僻
雖宜病芸閣官微不救貧文行如君尚
憔悴不知霄漢待何人

自城東至以詩代書戲招李六拾
遺崔二十六先輩
青門走馬趨心期惆悵歸來已校遲應過
唐昌玉蕊後猶當崇敬牡丹時暫遊還憶
崔先輩欲醉先邀李拾遺尚半殘月芸香

俸不作歸糧作酒資
盤屋縣北樓望山

一為趨走吏塵土不開顏辜負平生眼今
朝始見山

紫閣峯西清渭東野烟深處夕陽中風荷
老葉蕭條綠水蓼殘花寂寞紅我厭宦游
君失意可憐秋思兩心同

別韋蘇
百年愁裏過萬感醉中來惆悵城西別愁
眉兩不開

戲題新栽薔薇
移根易地莫憔悴野外庭前一種春少府
無妻春寂寞花開將爾當夫人

自憐幽會心期阻復愧嘉招書信頻王事
酌王十八李大見招遊山

牽身去不得滿山松雪屬他人
縣南花下醉中留劉五

百歲幾迴同酪酏一年今日最芳菲願將
花贈天台女留取劉郎到夜歸

宿楊家

楊氏弟兄俱醉卧披衣獨起下高齋夜深
不語中庭立月照藤花影上階

春初携手春深散無日花開不醉狂別後
何人堪共醉猶殘十日好風光

醉中歸盤屋

金光門外昆明路半醉騰上信馬迴數日

非關王事繫牡丹花盡始歸來
遊雲居寺贈穆三十六地主

亂峯深處雲居路共踏花行獨惜春勝地
本來無定主大都山屬愛山人

和王十八薔薇澗花時有懷蕭侍
御兼見贈

霄漢風塵俱是繫薔薇花委故山深憐君
獨向澗中立一把紅芳三處心

再因公事到駱口驛
今年到時夏雲白去年來時秋樹紅兩度

見山心有愧皆因王事到山中
期李二十文略王十八質夫不至

獨宿仙遊寺

文略也從牽吏役質夫何故戀囂塵始知
解愛中山宿千萬人中無一人

酬趙秀才贈新登科諸先輩

莫羨蓬萊鸞鶴侶道成羽翼自生身君看
名在丹臺若盡是人間脩道人

過天門街

雪盡終南又欲春遙憐翠色對紅塵千車

萬馬九衢上 迴首看山無一人

惜玉蕊花有懷集賢王校書起

芳意將闌 風又吹白雲 離葉雪辭枝 集賢
雖校無閑日 落盡瑤花君不知

春送盧秀才下第遊太原謁嚴尚書

未將時會合 且與俗浮沉 鴻養青冥翮 蛟
潛雲雨心 烟郊春別遠 風磧暮程深 墨客

投何處 并州舊翰林 長安送柳大東歸

白社羈遊伴 青門遠別離 浮名相引住 歸
路不同歸

得道即无著 隨緣上人東遊 貌依年臘老 心
到夜禪空 山宿馴溪虎 江行瀘水虫 悠

塵客思春滿 碧雲中

晚景函關路 涼風社日天 青岩新有燕 紅
樹波無蟬 愁立驛樓上 厭行官堠前 蕭條

秋興苦漸近 二毛年

重到毓材宅有感

欲入中門淚 滿中庭 花無主 兩迴春 軒窓
簾幙皆依舊 只是堂前欠一人

亂後過流溝寺

九月徐州新戰後 悲風殺氣滿山河 唯有
流溝山下寺 門前依舊白雲多

嘆髮落

多病多愁心 自知行年未老 髮先衰 隨梳
落去 何須惜不落 終須變作絲

留別吳七正字

成名共記甲科上 署吏同登芸閣間 唯是
塵心殊道性 秋蓬常轉水長閑

家寄關西住身為河北遊蕭條歲除夜旅
泊在洛州

邯鄲至除夜思家
邯鄲驛裏逢冬至抱膝燈前影伴身想得
家中夜深坐還應說着遠行人

冬至夜懷湘靈
艷質死由見寒衾不可親何堪最長夜俱
作獨眠人

感故張僕射諸妓
黃金不惜買蛾眉揀得如花三四枝歌舞
教成心力盡一朝身去不相隨

遊仙山遊
閻將心地出人間五六年來人怪閑自嫌
戀着未全盡猶愛雲泉多在山

見戶公亮新詩偶贈絕句
袖裏新詩十首餘吟看句上是瓊琚如何
持此將干謁不及公卿一字書

長安閑居
風竹松煙晝掩關意中長似在深山無人
不恠長安住何獨朝上暮上閑

早春獨遊曲江
散職無羈束羸驂少送迎朝從直城出春
傍曲江行風起池東暖雲開山北晴冰銷

泉脉動雪盡草芽生露杏紅初拆煙楊綠
未成影遲新度鴈聲澁欲啼鶯閑地心俱

靜韶光眼共明酒狂隣性逸藥効喜身輕
慵慢疎人事幽棲遂野情迴看芸閣笑不
似有浮名

秘書省中憶舊山
厭從薄宦校青簡悔別故山思白雲猶喜

蘭臺非傲吏歸時應免動移文

清風吹枕席，白露濕衣裳。好是相親夜，漏遲天氣涼。

涼夜有懷
送武士曹歸蜀

花落鳥嚶上南歸，稱野情。月宜秦嶺宿，春好蜀江行。鄉路通雲棧，郊扉近錦城。烏臺陟岡送，人羨別時榮。

江南送北客，因憑寄徐州兄弟書。故園望斷欲何如，楚山吳山萬里餘。今日因君訪兄弟，數行鄉淚一封書。

賦得古原草送別

離上原上草，一歲一枯榮。野火燒不盡，春風吹又生。遠芳侵古道，晴翠接荒城。又送王孫去，萋萋滿別情。

夜哭李夷道
逝者絕影響，空庭朝復昏。家人哀臨畢，夜

鎖壽堂門，死妻死子何人葬。空見銘旌向月翻。

病中作

父為勞生事，不學攝生道。少年已多病，此身豈堪老。

秋江晚泊

扁舟泊雲島，倚棹念鄉國。四望不見人，煙江澹秋色。客心貧易動，日入愁未息。

旅次景空寺宿幽上人院

不與人境接，寺門開向山。暮鍾鳴鳥聚，秋雨病僧閑。月隱雲樹外，螢飛廊宇間。幸投花界宿，暫得靜心顏。

長安元夕

道七車騎帝王州，羈病無心逐勝遊。明月春風三五夜，萬人行樂一人愁。

過高將軍墓

原上新墳委一身城中舊宅有何人妓堂
賓閣無歸日野草山花又欲春門客空將
感恩淚白楊風裏一霑巾

寒食卧病

病逢佳節長嘆息春雨濛濛榆柳色羸坐
全非舊日容扶行半是他人力誼里巷
踏青歸笑閉柴門度寒食

宿桐廬館同崔存度醉後作

江海漂上共旅遊一樽相勸散窮愁夜深
醒後愁還在兩滴梧桐山館秋

時避難在越中

滿眼雲水色月明樓上人旅愁春入越鄉
夢夜歸秦道路通荒服田園隔虜塵悠上
滄海畔十載避黃巾

除夜寄弟妹

感時思弟妹不寐百憂生萬里經年別孤

燈此夜情病容非舊日歸思遍新正早晚
重歡會羈離各長成

寒食月夜

風香露重梨花濕草舍無燈愁未入南鄰
北里歌吹時獨倚柴門月中立

感芍藥花寄正上人

今日階前紅芍藥幾花欲老幾花新開時
不鮮比色相落後始知如幻身空門此去
幾多地欲把殘花問上人

晚秋閑居

地僻門深少送迎披衣閑坐養幽情秋庭
不掃携藤杖閑踏梧桐黃葉行

秋暮郊居書懷

郊居人事少晝卧對林巒窮巷厭多雨貧
家愁早寒葛衣秋未換書卷病仍看若問
生涯計前溪一釣竿

半死梧桐老病身，重泉一念一傷神。手携稚子夜歸院，月冷房空不見人。

路旁寒食行人盡，獨占春愁在路旁。馬上垂鞭愁不語，風吹百草野田香。

題流溝寺古松

烟葉葱蘢蒼麀尾，霜皮駭落紫龍鱗。欲知松老看塵壁，死却題詩幾許人。

感月悲逝者

存亡感月一潛然，月色今宵似往年。何處曾經同望月，櫻桃樹下後堂前。

代鄰叟言懷

人生何事心無定，宿昔如今意不同。宿昔愁身不得老，如今恨作白頭翁。

自河南經亂關內阻飢兄弟離散

各在一處因望月有感聊書所懷寄上浮梁大兄於潛七兄烏江十

五兄兼示符離及下邳弟妹

時難年飢世業空，弟兄羈旅各西東。田園寥落干戈後，骨肉流離道路中。弔影分為千里鴈，辭根散作九秋蓬。共看明月應垂

淚，一夜鄉心五處同。

長安早春旅懷

軒車歌吹諠都邑，中有一人向隅立。夜深明月卷簾愁，日暮青山望鄉泣。風吹新綠草芽拆，雨洒輕黃柳條濕。此生知負少年春，不展愁眉欲三十。

寒閨夜

夜半衾裯冷，孤眠懶未能。籠香銷盡火，巾淚滴成冰。為惜影相伴，通宵不滅燈。

寄湘靈

淚眼凌寒凍不流每經高處即迴頭遙知
別後西樓上應凭闌干獨自愁

冬至宿揚梅館

十一月中秋長至夜三千里外遠行人若爲
獨宿揚梅館冷枕單床一病身

臨江送夏瞻

悲君老別我霑巾七十無家萬里身愁見
舟行風又起白頭浪裏白頭人

冬夜示敏巢

燭火欲銷燈欲盡夜長相對百憂生他時
諸處重相見莫忘今宵燈下情

客中守歲

守歲樽無酒思鄉淚滿巾始知爲客苦不
及在家貧畏老偏驚節防愁預惡春故園
今夜裏應念未歸人

問淮水

自嗟名利客擾擾在人間何事長淮水東
流亦不閑

宿樟亭驛

夜半樟亭驛愁人起望鄉月明何所見潮
水白茫茫

及第後憶舊山

偶獻子虛登上第却吟招隱憶中林春蘿
秋桂莫惆悵縱有浮名不繫心

題李次雲窓竹

不用裁爲鳴鳳管不須截作釣魚竿千花
百草凋零盡留向紛紛雪裏看

花下自勸酒

酒盞酌來須滿七花枝看即落紛紛莫言
三十是年少百歲三分已一分

題李十一東亭

相思夕上松臺立蛩思蟬聲滿耳秋惆悵

東亭風月好主人今在夜鄜州

春村

二月村園暖桑間戴勝飛農夫春舊穀蚕
妾擣新衣牛馬因風遠雞豚過社稀黃昏
林下路鼓笛賽神歸

題施山人野居

得道應無著謀生亦不妨春泥秧稻暖夜
火焙茶香水巷風塵少松齋日月長高閑
真是貴何處覓侯王

白氏長慶集卷之十三

白氏長慶集卷之十四

翰林中送獨孤二十七起居罷職

出院

碧落留雲住青冥放鶴還銀臺向南路從
此到間人

重尋杏園

忽憶芳時頻酪酏却尋醉處重徘徊杏花
結子春深後誰解多情又獨來

曲江獨行

獨來獨去何人識廐馬朝衣野客心閑愛
无風水邊坐楊花不動樹陰

同李十一醉憶元九

花時同醉破春愁醉折花枝作酒籌忽憶
故人天際去計程今日到涼州

同錢員外題絕糧僧巨川

三十年來坐對山唯將无事化人間齋時

往七聞鍾笑一食何如不食閑
絕句代書贈錢員外

欲尋秋景閑行去君病多慵我興孤可惜
今朝山最好強能騎馬出來死

天高風嫋上鄉思繞關河寥落歸山夢
勤採蕨歌病添心寂寞愁入髮蹉跎晚樹

蟬鳴少秋階日上多長閑羨雲鶴久別愧
烟蘿其柰丹墀上君恩未報何

賜酒盈盃誰共持宮花滿把獨相思
只傍花邊立盡日吟君詠菊詩

曾於太白峯前住數到仙遊寺裏來
黑水燒紅潭底出白雲破處洞門開林間暖酒

到菊花時節羨君迴
答張籍因以代書

憐君馬瘦衣裘薄許到江東訪鄙夫
今日正閑天又暖可能扶病暫來無

曲江柳條漸無力杏園伯勞初有聲
可憐春淺遊人少好傍池邊下馬行

夜淚闇銷明月幌春腸遙斷牡丹庭
人間此病治無藥唯有楞伽四卷經

無月無燈寒食夜七深猶立閣花前
忽因時節驚年幾四十如今欠一年

花園欲去七應遲正是風吹狼籍時
近西數樹猶堪醉半落春風半在枝

杏園花落時招錢員外同醉

杏園花落時招錢員外同醉

杏園花落時招錢員外同醉

杏園花落時招錢員外同醉

杏園花落時招錢員外同醉

往年君向東都去曾歎花時君未迴今年
况作江陵別惆悵花前又獨來只愁離別
長如此不道明年花不開

宮漏三聲知半夜好風涼月滿松筠此時
閑坐寂無語藥樹影中唯兩人

宮心緒萬端書兩紙欲封重讀意遲七五聲
宮漏初明後一點窓燈欲滅時

銀基金闕夕沉七獨宿相思在翰林三五
夜中新月色二千里外故人心渚宮東面

烟波冷浴殿西頭鍾漏深猶恐清光不同
見江陵卑濕足秋陰

寄陳式五兄

年來白髮兩三莖憶別君時髭未生惆悵
料君應滿髮當初是我十年兄

千里故人心鄭重一端杏綺遠贈以詩答之
日應晚霞色滿幅風生秋水文為禱欲裁

憐葉破製裘將剪惜花分不如裁作合歡
被寤寐相思如對君

送元八歸鳳翔

莫道岐州三日程其如風雪一身行與君
况是經年別暫到城東又出城

歸騎紛上雨雪放朝因懷微之
雨雪江陵府今日排衙得免無

歲去年來塵土中眼看變作白頭翁如何
辨得歸山計兩頃村田一畝宮

辨得歸山計兩頃村田一畝宮

聞微之江陵卧病以大通中散碧
腴垂雲膏寄之因題四韻

已題一帖紅消散又封一月程未必能治
寄向江陵去道路迢七一月程未必能治
江上瘴且圖遙慰病中情到時想得君拈
得枕上開看眼整明

松雪無塵小院寒閉門不似住長安煩君
酬錢員外雪中見寄
想我看心坐報道心空無可看

雪中重寄雪山偈問荅殷勤四句中本立
空名緣破妄若能無妄亦无空

獨酌花前醉憶君與君春别又逢春惆悵
銀杯來處重不曾盛酒勸閑人
微之宅殘牲册

殘紅零落無人賞雨打風摧花不全諸處
見時猶悵望况當元九小亭前

衰容常晚櫛秋鏡偶新磨一與清光對方
知白髮多鬢毛從幻化心地付頭陀任意
渾成雪其如似夢何

昔日愁頭白誰知未白衰眼看應落盡无
可變成然
感髮落

八月十五日夜聞崔大員外翰林
獨直對酒翫月因懷禁中清景偶
題是詩

秋月高懸空碧外仙郎靜翫禁闌間歲中
唯有今宵好海內无如此地閑皓色分明
雙開勝清光深到九門關遙聞獨醉還惆
悵不見金波照玉山

秋思太 酬王十八見寄
皇恩歸未得 白峯頭雪晴憶仙遊
洞口雲未報 立春日酌錢員外曲江周行見贈

下直遇春日 垂鞭出禁闈
兩人攜手語十里 看山歸柳色
早黃淺水文新綠 微風光向晚
好車馬近南稀 機盡笑相顧
不驚鷗鷺飛

和錢員外青龍寺上方望舊山
舊峯松雪舊溪雲 悵望今朝遙屬君
使臣非俗吏 南山莫動北山文

何處風光最可憐 妓堂階下砌臺前
軒車擁路光照地 絲管入門聲沸天
綠蕙不香饒桂酒 紅櫻無色讓花鈿
野人不敢求他事 唯借泉聲伴醉眠

晚秋夜

碧空溶 上 月華靜 月裏愁人弔孤影
花開殘菊傍 疎籬葉下衰桐落
寒井塞鴻飛 急覺秋盡鄰雞鳴
遲知夜永凝情不語空 所思風吹白露衣裳冷
惜牡丹花二首

惆悵階前紅牡丹 晚來唯有两枝殘
明朝風起應吹盡 夜惜衰紅把火看
寂寞菱紅低向雨 離披破豔散隨風
清明落地猶悵惆 何况飄零泥土中

相逢俱歎不閑身 直日常多齋日頻
曉鼓一聲分散去 明朝風景屬何人
答馬侍御見贈

謬入金門侍 玉除煩君問我意
何如蟠木詎堪明 主用籠禽徒與故人踈
苑花似雪

同隨輦宮月如眉伴直廬淺薄求賢思自
代嵇康莫寄絕交書

賜歡仍許醉此會與如何翰苑主恩重曲

江春意多花低羞豔妓鸞散讓清歌共道
升平樂元和勝永和

前日歸時花正紅今夜宿時枝半空坐惜

殘芳君不見風吹狼籍月明中
和錢員外早冬翫禁中新菊

禁署寒氣遲孟冬菊初折新黃間繁綠爛

若金照碧仙郎小隱曰心似陶彭澤秋憐

潭上看日慣籬邊摘今來此地賞野意潛
自適金馬門內花玉山峯下客寒芳引清

句吟翫煙景夕賜酒色偏宜握蘭香不敵
凄上百卉死晚歲冰霜積唯有此花開殷

勤助君惜

荅劉戒之早秋別墅見寄

涼風木槿籬暮雨槐花枝併起新秋思為
得故人詩避地鳥擇木升朝魚在池城中

與山下喧靜閣相思
涼夜有懷

念別感時節早蛩聞一聲風簾夜涼入露
簾秋意生燈盡夢初罷月斜天未明聞

無限思起傍藥欄行
秋思

病眠夜少夢閑立秋多思寂寞餘雨晴蕭
條早寒至鳥栖紅葉樹月照青苔地何况

鏡中年又過三十二
禁中聞蛩

悄上禁門閉夜深無月明西窓獨闔坐滿
百新蛩聲

切上閣窓下
夜愁人耳
秋虫
啜上深草裏
秋天思婦心雨

贈別宣上人

上人處世界清淨何所似
水不著水性真悟泡幻行
來幾時身心俱到此嗟予
依止離念與碧雲秋來朝
夕起

夜雪有佳趣幽人出書帷
微寒生枕席輕

素封階墀坐罷楚絃曲起
吟班扇詩明宜

滅燭後淨愛褰簾時窓引
曙色早庭銷春

氣遲山陰應有興不卧待
微之
拙詩在壁無人愛鳥汙苔
侵文字殘唯有

多情元侍御綉衣不惜拂
塵看

南秦雪

往歲曾為西邑吏慣從駱
口到南秦三時
雲冷多飛雪二月山寒少
有春我思舊事
酒惆悵君作初行定苦辛
仍賴愁猿寒不
叫若聞猿叫更愁人

山枇杷花二首

萬重青嶂蜀門口一樹紅
花山頂頭春盡
憶家歸未得低紅如解替
君愁
葉如裙色碧綃淺花似芙
蓉紅粉輕若使
此花兼解語推囚御史定
違程

江樓月

嘉陵江曲上江遲明月雖
同人別離一宵
光景潛相憶兩地陰晴遠
不知誰料江邊
懷我夜正當池畔望君時
今朝共語方同
悔不解多情先寄詩

山郵花木似平陽愁殺多情驄馬郎還似
昇平池畔坐低頭向水自看粧

江上何人夜吹笛聲上似憶故園春此時
聞者堪頭白况是多愁少睡人

嘉陵夜有懷

露濕墻花春意深西廊月上半床陰憐君
獨卧无言語惟我知君此夜心
空床好天氣平明閑事到心中

百牢關外夜行客三殿角頭宵直人莫道
近臣勝遠使其如同是不閑身

望驛臺

靖安宅裏當窓柳望驛臺前撲地花兩處

春光同日盡居人思客上思家

江岸梨

梨花有思綠和葉一樹江頭惱殺君最似
孀閨少年婦白粧素袖碧紗裙

答謝家最小偏憐女感元九悼亡詩因而為代答三首

嫁得梁鴻六七年耽書愛酒日高眠雨荒
春圃唯生草雪壓朝厨未有烟身病憂來
緣女少家貧忘却為夫賢誰知厚俸今无
分枉向秋風吹紙錢

答騎馬入空臺

君入空臺去朝往暮還來我入泉臺去泉
門无復開鰥夫仍繫職稚女未勝哀寂寞
咸陽道家人覆墓廻

荅山驛夢

入君旅夢來千里閉我幽魂欲二年莫忘

平生行坐處後堂階下竹叢前
和元九與呂二同宿話舊感贈

見君新贈呂君詩憶得同年行樂時
爭入杏園齊馬首漸過柳曲闌娥眉
八人雲散俱遊宦七度花開盡別
離聞道秋娘猶且在至今時復問
微之

憶元九
江陵道相思遠不知近來文卷裏半

是憶君詩
蕭員外寄新蜀茶

蜀茶寄到但驚新渭水煎來始覺
珍滿甌似乳堪持翫况是春深酒
渴人

秋鴻過盡先書信病戴紗巾強出
門獨上荒臺東北望日西愁立到
黃昏

病中笑金鑿子
小女名

豈料吾方病翻悲汝不全卧驚從
枕上扶哭就燈前有女誠為累無
兒豈免怜病來

纔十日養得已三年慈淚隨聲迸
悲腸遇物牽故衣猶架上殘藥尚
頭邊送出深村巷看封小墓田莫
言三里地此別是終天

桑條初綠即為別柿葉半紅猶未
歸不如村婦知時節解為田夫秋
擣衣

自知氣發每因情上在何由氣得
平若問病根深與淺此身應與病
齊生

不入城門來五載同時班列盡官
高何人牢落猶依舊唯有江陵元
士曹

早年勤倦看書苦晚歲悲傷出淚
多眼損

不知都自取病成方悟欲如何夜昏乍似
燈將滅朝闇長疑鏡未磨千藥萬方治不
得唯應閉目學頭陀

得表相書

穀苗深處一農夫面黑頭斑手把鋤何意
使人猶識我就田來送相公書

病中作

病來城裏諸親故厚薄親疎心揔知唯有
蔚章於我分深於同在翰林時

感化寺見元九劉三十二題名處

微之謫去千餘里太白無來十一年今日
見名如見面塵埃壁上破窓前

遊悟真寺迴山下別張殷衡

世緣未了住不得孤負青山心共知愁君
又入都門去即是紅塵滿眼時

村居寄張殷衡

金氏村中一病夫生涯濩落性靈迆唯看
老子五千字不蹋長安十二衢藥銚夜傾
殘酒煖竹床寒取舊氈鋪聞君欲發江東
去能到茅菴訪別無

病中得樊大書

荒村破屋經年卧寂絕無人問病身唯有
東都樊著作至今書信尚殷勤

開元九詩書卷

紅箋白紙兩三束半是君詩半是書經年
不展綠身病今日開看生蠹魚

晝卧

抱枕無言語空房獨悄然誰知盡日卧非
病亦非眠

夜坐

庭前盡日立到夜燈下有時坐徹明此情
不語何人會時復長吁一兩聲

黃昏獨立佛堂前
滿地槐花滿樹蟬
天抵四時心
摠苦就中腸斷是秋天
有感

絕絃與斷絲
猶有却續時
唯有衷腸斷無
應續得期

似玉童顏盡如霜
病髮新莫驚身頓老
心

更老於身
村夜

霜草蒼 虫切 村南村北
行人絕獨出
前門望野田
月明蕎麥花如雪

聞蟲 閨蟲 唧 夜綿 况是秋陰欲雨天
猶恐

愁人整得睡聲 移近卧牀前
寒食夜有懷

寒食非長非短夜
春風不熱不寒天
可憐時節堪相憶
何况無燈各早眠

贈內 漠漠閨苔新
雨地微 涼露欲秋天
莫對

月明思往事
損君顏色減君年
得錢舍人書問眼疾

春來眼闔少
心情點盡黃連
尚未平唯得君書勝得藥
開緘未讀眼先明

還李十一馬 傳語李君勞
寄馬病來唯拄杖
扶身縱擬

強騎無出處
却將牽與赴朝人
九日寄行簡

摘得菊花携得酒
遶村騎馬思悠下
邽田地平如掌
何處登高望梓州

斜月入窓楹
迢 夜坐情梧桐上
皆影蟪

蟀近牀聲曙傍窓間至秋從簞上生感時
因憶事不寢到鷄鳴

村居二首

田園莽蒼經春早籬落蕭條盡日風若問
經過談笑者不過田舍白頭翁
門閉仍逢雪厨寒未起烟貧家重寥落半
為日高眠

早春

雪散因和氣冰開得煖光春銷不得處唯
有鬢邊霜

和夢遊春詩一百韻 并序

微之既到江陵又以夢遊春詩七十韻寄
予且題其序曰斯言也不可樂天知吾也吾
知也吾者亦不可使予辱斯言三復其旨大
抵不敢不使吾予知予辱斯言三復其旨大
抵悔既往而悟將來也然予以為苟不悔

不寢則已若悔於此則宜悟於彼也反於
彼而悟於妄則宜歸於真也况與足下外

服儒風內宗梵行者有日矣而今而後非
覺路之返也非空門之歸也將安反乎將

安歸乎今所和者其卒章指歸於此夫感
不甚則悔不熟感不至則悟不深故廣足

下七十韻為一百韻重為足下陳夢遊之
中所以甚感者叙婚仕之際所以至感者

欲使曲盡其妄周知其非然後返乎真歸
乎實亦猶法華經序火宅偈化城維摩經

入媯舍過酒肆之義也微之微之予斯文
也猶不可使不知吾者知幸藏之爾云

昔君夢遊春夢遊仙山曲况若有所遇似
愜平生欲因尋菖蒲水漸入桃花谷到一

紅樓家愛之看不足也流渡清泚草嫩蹋
綠蓍門柳閣全低簷櫻紅半熟轉行深

七

院過盡重上屋烏龍卧不驚青鳥飛相逐
漸聞玉珮響始辨珠履躅遙見窓下人娉
婷十五六霞光抱明月蓮艷開初旭縹緲
雲雨仙氛氲蘭麝馥風流薄梳洗時世寬
裝束袖軟異文綾裙輕單絲縠裙腰銀綠
壓梳掌金筐蹙帶纈紫葡萄袴花紅石竹
疑情都未語付意微相矚眉斂遠山奇鬢
低月雲綠帳牽翡翠帶被解鴛鴦襪秀色
似堪食穠華如可掬半卷錦頭席斜鋪繡
腰褥朱脣素指勻粉汗紅綿撲心驚睡易
覺夢斷塊難續籠委獨棲禽劒分連理木
存誠期有感悟誓志貞無黷京洛八九春未
曾花裏宿壯年徒自棄佳會應無復鸞歌
不重聞鳳兆從茲卜韋門女清貴裴氏甥
賢淑羅扇夾花燈金鞍攢綉轂既傾南國
貌遂坦東牀腹劉阮心漸忘潘楊意方睦

新脩履信第初食尚書祿九醞備聖賢人
珍窮水陸秦家重蕭史彥輔憐衛叔朝饌
饋獨盤夜醪傾百斛親賓盛輝赫妓樂紛
擘盃宿醉纒解醒朝歡俄枕麴飽過君子
爭今甚將軍酷酪酏歌鷓鴣顛狂舞鴝鵒
月流春夜短日下秋天速謝傳隙奔光蕭
娘風過燭全凋薜花折半死梧桐秃閣鏡
對孤鸞哀絃留寡鵠妻上隔幽顯冉二移
寒煥萬事此時休入朱門行一傍青樓哭
女將領舊姻族再入朱門行一傍青樓哭
櫪空無廐馬水涸失池鶯搖落廢井梧荒
涼故籬菊莓苔上几閣塵土生琴筑舞榭
綴蠟蛸歌梁聚蝙蝠嫁分紅粉妾賣散蒼
頭僕門客思徬徨家人泣呻吟驅車辭邾鄆
索宦序仍拘躅懷策入嶠函驅車辭邾鄆
逢時念既濟聚學思大畜端詳筮仕著磨

試穿揚鏃始從讎校職首中賢良日一技
侍瑤墀再升紉繡服誓酬君王寵願使朝
廷肅密勿奏封章清明操憲積鷹韝中病
下豸角當邪觸糾謬靜東周申寃動南蜀
危言詆閹寺直氣忤鈞軸不忍曲作鈞乍
能折為玉捫心死愧畏騰口有謗譴只要
明是非何曾虞禍福車摧太行路劍落豐
城獄襄漢問脩途荆蠻指殊俗謫為江府
掾遣事荊州牧趨走謁麾幢喧煩視鞭朴
簿書常自領縲囚每親鞠竟日坐官曹經
旬曠休沐宅荒渚宮草馬瘦畝田粟薄俸
等涓毫微宦同桎梏月中照形影天際辭
骨肉鶴病翅羽垂獸窮爪牙縮行看髮間
白誰勸杯中綠時傷大野麟命問長沙鵬
夏梅山雨漬秋瘴江雲毒巴水白茫楚
山青簇上吟君七十韻是我心所蓄既去

誠莫追將來幸前勛欲除憂惱病當取禪
經讀須悟事皆空無令念將屬請思遊春
夢此夢何閃倏艷色即空花浮生乃焦穀
良姻在嘉偶頃刻為單獨入仕欲榮身須
史成黜辱合者離之始樂兮憂所伏愁恨
僧祇長歡榮刹那促覺悟因傍喻速執由
當局膏明誘闇蛾陽焱奔癡鹿貪為苦聚
落愛是悲林麓水蕩無明波輪迴死生輻
塵應甘露灑垢待醍醐浴瘴要智燈燒魔
須慧刀戮外熏性易染內戰心難衲法句
與心王期君日三復
王昭君二首
滿面胡沙滿髮風眉銷殘黛臉銷紅愁苦
辛勤顛顛盡如今却似畫圖中
漢使却迴憑寄語黃金何日贖蛾眉君王
若問妾顏色莫道不如宮裏時

白氏長慶集卷之十四

白氏長慶集卷之十四

